

卷

五
六
七
八

葉氏
批評

景岳全書

上海廣益書局
印行

1718年



加批詳評景岳全書

卷二十五

心集雜證謨

會稽張介賓會卿著

長洲葉桂天士評

古吳江家積忍庵訂

心腹痛

經義

舉痛論帝曰。願聞人之五臟卒痛。何氣使然。岐伯對曰。經脈流行不止。環周不休。寒氣入經而稽遲。泣而不行。客於脈外。則血少。客於脈中。則氣不通。故卒然而痛。帝曰。其痛或卒然而止者。或痛甚不休者。或痛甚不可按者。或按之而痛止者。或按之無益者。或喘動應手者。或心與背相引而痛者。或脇肋與少腹相引而痛者。或腹痛引陰股者。或痛宿昔而成積者。或卒然痛死不知人。少間復生者。或痛而嘔者。或腹痛而泄者。或痛而閉不通者。凡此諸痛。各不同形。別之奈何。岐伯曰。寒氣客於脈外。則脈寒。脈寒則縮。縮則脈絀。絀則脈急。絀急則外引小絡。故卒然而痛。得炅則立止。因重中於寒。則痛久矣。寒氣客於經脈之中。與炅氣相薄。則脈滿。滿則痛而不可按也。寒氣稽留。炅氣從上。則脈充大。而血氣亂。故痛甚不可按也。寒氣客於腸胃之間。膜原之下。血不得散。小絡急引。故痛。按之則血氣散。故按之痛止。寒氣客於俠脊之脈。則深按之不能及。故按之無益也。寒氣客於衝脈。衝脈起於關元。隨腹直上。寒氣客則脈不



大學醫藥中
下祖望

